

甲戌歲





總錄一之中

太陽寒水司天太陰濕土在泉中見太宮土運歲土太
 過氣化運行先天太宮下加太陰太過而加同天符又
 土運臨戌是謂歲會氣之平也平土之歲命曰備化之
 紀氣協天休德流四政五化齊修其氣平其性順其用
 高下其化豐滿其政安靜其候溽蒸其令濕其類土其
 應長夏其穀稷其果棗其實肉其蟲保其畜牛其物膚
 其色黃其味甘其音宮其數五其在人也其藏脾其主
 口其養肉其病否此歲運所主也天地之氣上見太陽
 左間厥陰右間陽明故天政所布其氣肅下見太陰左
 間少陽右間少陰故地氣靜而其令徐水土合德上應

辰星鎮星其穀玄齡寒臨太虛其政大舉陽氣不令澤
無陽敵則火發待時少陽中治時雨迺涯止極雨散還
於太陰雲朝北極濕化迺布澤流萬物寒敷于上雷動
于下寒濕之氣持於氣交民病寒濕發肌肉萎足痿不
收濡寫血溢歲半之前天氣太陽主之太陽有本標之
化寒政大舉熱氣時應者天氣得中也歲半之後地氣
太陰主之太陰之化從本雨濕甚者地氣之應也寒化
六濕化五是爲正化之日保蟲育鱗蟲靜是爲歲物所
宜燥毒不生鱗蟲不成其味鹹其氣熱是爲地氣所制
平土之歲本不資化源運與地氣臨於戌歲土氣盛先

資化源以助於水所謂抑其運氣扶其不勝無使暴過
而生其疾也食玄齡之穀以全其真避歲之虛邪以安
其正以苦熱調上以苦溫調下運土在中亦以苦溫調
之運同寒濕化宜燥熱治之常也初之氣自癸酉年大
寒日申初至是歲春分日午初凡六十日八十七刻半
主位太角木客氣少陽火中見土運少陽中治以行春
令地氣遷氣迺太溫草迺早榮民迺厲溫病迺作身熱
頭痛嘔吐肌腠瘡瘍宜治少陽之客以鹹補之以甘寫
之以鹹奠之歲穀宜玄閒穀宜豆則火不爲邪二之氣
自春分日午正至小滿日辰正凡六十日有奇主位少

徵火客氣陽明金中見土運金土相和大涼反至民廼
慘草廼遇寒火氣遂抑民病氣鬱中滿寒廼始宜治陽
明之客以酸補之以辛寫之以苦泄之歲穀宜玄間穀
宜黍則燥不爲邪三之氣自小滿日巳初至大暑日卯
初凡六十日有奇主位少徵火客氣太陽水中見土運
天政布寒氣行雨廼降民病寒反熱中癰疽注下心熱
脊悶不治者死宜治太陽之客以苦補之以鹹寫之以
苦堅之以辛潤之歲穀宜玄間穀宜稷則寒不爲邪四
之氣自大暑日卯正至秋分日丑正凡六十日有奇主
位太宮土客氣厥陰木中見土運歲土得位風氣居之

風濕交爭風化爲雨廼長廼化廼成民病大熱少氣肌
肉萎足痿注下赤白宜治厥陰之客以辛補之以酸寫
之以甘緩之歲穀宜黔間穀宜稻則風不爲邪五之氣
自秋分日寅初至小雪日子初凡六十日有奇主位少
商金客氣少陰火中見土運火能生土土能生金氣位
相和陽復化草廼長廼化廼成民廼舒宜調少陰之客
以鹹補之以甘寫之以酸收之歲穀宜黔間穀宜豆則
熱不爲邪終之氣自小雪日子正至大寒日戌正凡六
十日有奇主位太羽水客氣太陰土中見土運氣與運
符會地氣正濕令行陰凝太虛埃昏郊野民廼慘悽寒

風以至反者孕廼死宜治太陰之客以甘補之以苦寫
 之以甘緩之歲穀宜齡間穀宜麻則濕不為邪是氣也
 不可犯涼司氣以涼故也歲氣雖平或有邪氣則中執
 法經曰中執法者其病速而危也

風熱

乙亥歲





總錄一之中

厥陰風木司天少陽相火在泉中見少商金運歲金不及氣化運行後天左上角與正角同諸同正歲氣化運行同天厥陰在上左間少陰右間太陽故天氣擾而其政撓少陽在下左間陽明右間太陰故地氣正而其令速風生高遠炎熱從之雲趨雨府濕化廼行風火同德上應歲星熒惑其穀蒼丹間穀言太宮太羽者其耗文角品羽風燥火熱勝復更作蟄蟲來見流水不冰熱病行於下風病行於上風燥勝復形於中熱化寒化勝復同所謂邪氣化日也風化八清化四火化二所謂正化度也毛蟲靜羽蟲育是廼歲物所宜介蟲耗毛蟲不育寒

經金一之味
三金運才才三戶
石氣氣石
卷一百一十五

毒不生是廼地氣所制然木爲天氣火爲地氣金運在中地氣勝運化勝天其化不純天氣虛地氣盈宜資化源以助木氣兼贊歲運無使邪勝歲半之前天氣厥陰主之厥陰以中氣爲化當是時風從火化者天氣之和也若風淫所勝則太虛埃昏雲物以擾寒生春氣流水不冰民病胃脘當心而痛上支兩脇鬲咽不通飲食不下舌本強食則嘔冷泄腹脹澹泄痕水閉病本于脾診在足衝陽之脉法宜平以辛涼佐以苦甘以甘緩之以酸寫之歲半之後地氣少陽主之少陽之化從本若火溢於內則焰明郊野寒熱更至民病注泄赤白少腹

痛溺赤甚則血便法宜治以鹹冷佐以苦辛以酸收之以苦發之歲運之化金不及是謂折收收氣廼後生氣迺揚長化合德火政廼宜庶類以蕃其氣揚其用躁切其化兼所不勝夏有光顯鬱蒸之令則冬有嚴凝整肅之應若夏有炎爍燔燎之變則秋有氷雹霜雪之復其皆西其病內舍膺脇肩背外在皮毛復則寒雨暴至陰厥且格陽反上行頭腦戶痛延及凶頂發熱甚則心痛治宜以酸和調中初之氣自甲戌年大寒日亥初至是歲春分日酉初凡六十日八十七刻半主位太角木客氣陽明金中見金運氣與運同居於木位與厥陰交司

卷一百一十五

而行春令金木氣齊寒始肅殺氣方至民病寒於右之
下宜治陽明之客以酸補之以辛寫之以苦泄之歲穀
宜蒼間穀宜黍是氣也司氣以涼用涼無犯二之氣自
春分日酉正至小滿日未正凡六十日有奇主位少徵
火客氣太陽水中見金運金水相得寒不去華雪水水
殺氣施化霜廼降名草上焦寒雨數至陽復化民病熱
於中宜治太陽之客以苦補之以鹹寫之以苦堅之以
辛潤之歲穀宜蒼間穀宜稷三之氣自小滿日申初至
大暑日午初凡六十日有奇主位少徵火客氣厥陰木
中見金運火勝金金勝木其化不純大政布風廼時舉

民病泣出耳鳴掉眩宜治厥陰之客以辛補之以酸寫
之以甘緩之歲穀宜蒼間穀宜稻四之氣自大暑日午
正至秋分日辰正凡六十日有奇主位太宮土客氣少
陰火中見金運又值在泉少陽交司之時溽暑至濕熱
相薄爭於左之上民病黃痺而爲胕腫宜治少陰之客
以鹹補之以甘寫之以酸收之歲穀宜丹間穀宜豆五
之氣自秋分日巳初至小雪日卯初凡六十日有奇主
位小商金客氣太陰土中見金運歲運之金得位與土
相和其化燥濕更勝沉陰廼布寒氣及體風雨廼行宜
調太陰之客以甘補之以苦寫之以甘緩之歲穀宜丹



總錄一之中

十

少陰君火司天陽明燥金在泉中見太羽水運歲水太
 過氣化運行先天水運臨子是謂歲會氣之平也平水
 之歲命曰靜順之紀藏而勿害治而善下五化咸整其
 氣明其性下其用沃衍其化凝堅其政流演其候凝肅
 其令寒其類水其應冬其穀豆其果栗其實濡其蟲鱗
 其畜彘其色黑其味鹹其物濡其音羽其數六其在人
 也其藏腎其主二陰其養骨髓其病厥此歲運之化也
 天地之氣上見少陰左間太陰右間厥陰故天政所布
 其氣明下見陽明左間太陽右間少陽故地氣肅而其
 令切交司之氣以寒交暑天地之氣以熱加燥雲馳雨

府濕化迺行時雨迺降金火合德上應榮感太白其穀
丹白水火寒熱持於氣交而爲病始熱病生於上清病
生於下寒熱相犯而爭於中民病欬喘血溢血泄鼽嚏
目赤眚瘍寒厥入胃心痛腰痛腹大噎乾腫上蓋火爲
天氣金爲地氣水運在中熱化二寒化六清化四正化
度也羽蟲靜介蟲育歲物之宜也毛蟲耗羽蟲不成濕
毒不生地氣制之也燥熱相加天氣盈地氣虛歲有平
水不取化源唯抑運氣資其歲勝無使暴過而生病也
食丹白之穀以全真氣食間氣之穀以辟虛邪味宜以
鹹寒調上以酸溫安下運同地氣宜以溫熱化歲半之

前天氣少陰主之少陰有本標之化其應寒熱得中歲
半之後地氣陽明主之陽明以中氣爲化其應濕燥相
半當其時而至者爲平和非其時而至者爲溇勝初之
氣自乙亥年大寒日寅初至是歲春分日十初六日
八十七刻半主位太角木客氣太陽水中見水運氣與
運同以居木位水木相和奉少陰之政而行春令地氣
遷燥將去寒迺始蟄復藏水迺冰霜復降風迺至陽氣
鬱民反周密關節禁固腰腫痛炎暑將起中外瘡瘍宜
治太陽之客以苦補之以鹹寫之以苦堅之以辛潤之
歲穀食丹間穀食稷則寒不爲邪是氣也用寒遠寒無

犯司氣之寒二之氣自春分日子正至小滿日戌正凡六十日有奇主位少徵火客氣厥陰木中見水運水木相得陽氣布風迺行春氣以正萬物應榮寒氣時至民迺和其病淋目瞋目赤氣鬱於上而熱宜治厥陰之客以辛補之以酸寫之以甘緩之歲穀食丹間穀食稻則風不爲邪三之氣自小滿日亥初至大暑日酉初凡六十日有奇主位少徵火客氣少陰火中見水運火居火位歲水間之天政布大火行庶類蕃鮮寒氣時至民病氣厥心痛寒熱更作欬喘目赤宜治少陰之客以鹹補之以甘寫之以酸收之歲穀食丹間穀食豆則熱不爲

邪四之氣自大暑日酉正至秋分日未正凡六十日有奇主位太宮土客氣太陰土中見水運土居其位溽暑至大雨時行寒熱互至民病寒熱暄乾黃瘰黽飲發宜治太陰之客以甘補之以苦寫之以甘緩之歲穀食白間穀食麻則濕不爲邪五之氣自秋分日申初至小雪日午初凡六十日有奇主位少商金客氣少陽火中見水運長火臨暑反至陽迺化萬物迺生迺長榮民迺康其病溫歲水制之其病迺微宜治少陽之客以鹹補之以甘寫之以鹹奠之歲穀食白間穀食豆則火不爲邪終之氣自小雪日午正至大寒日辰正凡六十日有

奇七位太羽水客氣陽明金中見水運水當其位與金相和燥令行餘火內格腫於上欬喘甚則血溢寒氣數舉則霧露翳病生皮膜內舍於脇下連少腹而作寒中地將易也宜治陽明之客以酸補之以辛寫之以苦泄之歲穀食白間穀食黍則燥不為邪是歲也水氣之平由於歲會歲會為行令邪或中之民有持久之病經所謂中行令者其病徐而持也

丁丑歲





總錄一之中

十四

太陰濕土司天太陽寒水在泉中見少角木運咸木不及氣化運行後天委和之紀曰上宮與正宮同諸同正歲氣化運行同天此言天氣平也天地之氣上見太陰左間少陽右間少陰故地氣上騰而其政肅下見太陽左間厥陰右間陽明故天氣下降而其令寂陰專其政陽氣退辟大風時起原野昏霧白埃四起雲奔南極寒雨數至物成於差夏濕寒合德上應鎮星辰星其穀黔玄故陰凝於上寒積於下寒水勝火則為水雹陽光不治殺氣廼行民病寒濕腹滿身臃臃腫痞逆寒厥拘急清化熱化勝復同邪氣化度也雨化五風化三寒化

一正化度也。歲物所宜則保蟲靜，鱗蟲育，地氣所制則羽蟲耗，熱毒不生，故有餘宜高不及宜，下有餘宜，晚不及宜，早土之利氣之化也。民氣亦從之，間穀命太微太商者，然土爲天氣，水爲地氣，土勝水，天氣盈，地氣虛，宜取化源以平土氣，益其歲氣，無使邪勝。食齡玄之穀以全其真，食間氣之穀以保其精，以苦燥之，溫之甚則發之，泄之不發不泄則濕氣外溢，肉潰皮拆而水血交流，必贊其陽火，令禦甚寒，從氣之異少其判也。歲半之前天氣太陰，主之太陰所至，其令濕若濕溼所勝則沉陰，且布雨變枯槁，民病附腫骨痛陰痺，陰痺者按之不得。


腰脊頭項痛時眩大便難，陰氣不用，飢不欲食，欬唾則有血心，如懸病本于腎，診在足太谿之脉，法宜平以苦溫佐以甘辛，以汗爲故而止，所謂丁丑歲其化上苦溫也。歲半之後地氣太陽，主之太陽所至，其令寒若寒淫于內，則凝肅慄慄，民病少腹控臑，引腰脊上衝心痛，血見，噎痛，頰腫，法宜治以甘熱，佐以苦辛，以鹹寫之，以辛潤之，以苦堅之。歲運之化，木不及是，謂勝生生，生氣不政，化氣迺揚，長氣自平，收令迺早涼，雨時降風雲並興，草木晚榮，蒼乾凋落，物秀而實，膚肉內充，其氣歛，其用聚，其動縵，戾拘緩，其發驚駭，其化兼所不勝，春有鳴條律。

暢之化則秋有霧露清涼之政春有慘悽殘賊之勝則夏有炎暑燔爍之復其管東其病內舍法臨外在關節復則炎暑流火民病寒熱瘡瘍疹癰瘰法宜調以辛溫初之氣自丙子年大寒日巳初至是歲春分日卯初六十日八十七刻半主位少角木客氣厥陰木中見木運歲木當位地氣遷寒廼去春氣正風廼來生布萬物以榮民氣條舒風濕相薄雨廼後民病血溢筋絡拘強關節不利身重筋痿宜調厥陰之客以辛補之以酸寫之以甘緩之歲穀宜食藪間穀宜食稻則風不爲邪是氣也司氣以溫用溫無犯二之氣自春分日卯正至小

滿日丑正凡六十日有奇主位太徵火客氣少陰火中見木運火氣當位大火正物承化民廼和其病溫厲盛行遠近咸若濕蒸相薄雨廼時降宜調少陰之客以鹹補之以甘寫之以酸收之歲穀宜食藪間穀宜食豆則熱不爲邪三之氣自小滿日寅初至大暑日子初凡六十日有奇主位太徵火客氣太陰土中見木運木生火火生土其化順天政布濕氣降地氣騰雨廼時降寒廼隨之感於寒濕則民病身重胛腫胸腹滿宜治太陰之客以甘補之以苦寫之以甘緩之歲穀宜食藪間穀宜食麻雖有濕邪不能爲害四之氣自大暑日子正至秋

分日戌正凡六十日有奇主位少宮土客氣少陽火中
見木運地氣交司畏火臨溽蒸化地氣騰天氣否隔寒
風曉暮蒸熱相薄草木凝烟濕化不流則白露陰布以
成秋令民病腠理熱血暴溢瘡心腹滿熱臚脹甚則胕
腫宜治少陽之客以鹹補之以甘寫之以鹹更之歲穀
宜食玄間穀宜食豆雖有火邪不能爲害五之氣自秋
分日亥初至小雪日酉初凡六十日有奇主位太商金
客氣陽明金中見木運金氣得位憐令已行寒露下霜
迺早降草木黃落寒氣及體君子周密民病皮腠宜治
陽明之客以酸補之以辛寫之以苦泄之歲穀宜食玄
間穀宜食黍則燥不爲邪終之氣自小雪日酉正至大
寒日未正凡六十日有奇主位少羽水客氣太陽水中
見木運水當其位寒大舉濕大化霜迺積陰迺凝水堅
冰陽光不治感於寒則病人關節禁固腰腫痛寒濕持
於氣交而爲疾也宜治太陽之客以苦補之以鹹寫之
以苦堅之以辛潤之歲穀宜食玄間穀宜食稷則寒不
爲邪此六氣之常也歲氣之交濕勝則有厥陰之復寒
勝則有太陰之復其治各以其勝復之法

戊寅歲



火本同德上應熒惑歲星其穀丹蒼歲氣之化火化七
風化三正化度也羽蟲靜毛蟲育歲物所宜也倮蟲耗
清毒不生地氣制之也歲半之前天氣少陽主之少陽
所至爲炎暑其令暄者少陽之政也歲半之後地氣厥
陰主之厥陰所至爲風府風從火化者厥陰之令也風
熱參布雲物沸騰太陰橫流寒廼時至涼雨並起民病
寒中外發瘡瘍內爲泄滿聖人遇之和而不爭往復之
作民病寒熱瘡泄聾瞑嘔吐上怫腫色變是歲火爲天
氣木爲地氣風火相值其氣專其化淳又遇火運統之
運與天符火化升明先取化源抑其運火贊其金氣則

暴過不生苛疾不起歲宜以鹹寒調上以辛涼調下以
甘和調中滲之泄之漬之發之運同風熱宜多寒化治
之常也初之氣自丁丑年大寒日申初至是歲春分日
午初六十日八十七刻半主位少角木客氣少陰火中
見火運氣與運同地氣遷風勝廼搖寒廼去候廼大溫
草木早榮寒來不殺溫病廼起其病氣怫於上而溢目
赤欬逆頭痛血傷脇滿膚腠中瘡宜調少陰之客以鹹
補之以甘寫之以酸收之歲穀宜丹間穀宜豆二之氣
自春分日午正至小滿日辰正凡六十日有奇主位太
徵火客氣太陰土中見火運濕土之客火反鬱白埃四

起雲趨雨府風不勝濕雨迺零民迺康其病熱鬱於上
欬逆嘔吐瘡發於中胸隘不利頭痛身熱昏憤膿瘡宜
治太陰之客以甘補之以苦寫之以甘緩之歲穀宜丹
間穀宜麻三之氣自小滿日巳初至大暑日卯初凡六
十日有奇主位太徵火客氣少陽火中見火運歲火當
位上爲天符下爲司氣天政布炎暑至少陽臨上雨迺
涯民病熱中聾眼血溢膿瘡欬嘔飶渴噎欠喉痺目
赤善暴死是歲火氣平若有水氣承之卽不至橫暴經
曰相火之下水氣承之亢則害承迺制是也宜調少陽
之客以鹹補之以甘寫之以鹹更之歲穀宜丹間穀宜

豆是氣也司氣以熱用熱遠熱四之氣自大暑日卯正
至秋分日丑正凡六十日有奇主位少宮土客氣陽明
金中見火運金土相和涼迺至炎暑間化白露降民氣
和平其病滿身重宜調陽明之客以酸補之以辛寫之
以苦泄之歲穀宜蒼間穀宜黍五之氣自秋分日寅初
至小雪日子初凡六十日有奇主位太商金客氣太陽
水中見火運火本勝金水反制之寒氣爲客陽迺去寒
迺來雨迺降氣門迺閉剛木早凋民避寒邪君子周密
宜調太陽之客以苦補之以鹹寫之以苦堅之以辛潤
之歲穀宜蒼間穀宜稷終之氣自小雪日子止至大寒

日戌正凡六十日有奇主位少羽水客氣厥陰木中見
 火運火木同德而行順化地氣正風迺至萬物反生霧
 霧以行其病關閉不禁心痛陽氣不藏而欬宜治厥陰
 之客以辛補之以酸寫之以甘緩之歲穀宜蒼開穀宜
 稻是歲天符為執法火氣自平若有邪氣則中執法民
 有急卒之病經所謂中執法者其病速而危也

己卯歲



見流水不冰民病欬隘塞寒熱發暴振慄瘳闕清先而
勁毛蟲廼死熱後而暴介蟲廼殞然金爲天氣火爲地
氣火能勝金土運間之其邪廼微天氣微虛宜資其化
源以助金氣兼安其運土無使受邪食白丹之穀以安
其氣食間氣之穀以去其邪歲宜以鹹以苦以辛汗之
清之散之運同清氣宜多地化治之常也歲半之前天
氣陽明主之燥淫所勝則木廼晚榮草廼晚生筋骨內
變民病左肘脇痛寒清于中感而瘧大涼革候欬腹中
鳴注泄鶩溇名木欽生苑於下草焦上首心脇暴痛不
可反側溘乾面塵腰痛目昧皆瘍瘡瘰癧病本于肝診

在足太衝之脉法宜平以苦溫佐以酸辛以苦下之歲
半之後地氣少陰主之熱淫于內則焰浮川澤陰處反
明民病腹中常鳴氣上衝胸喘不能久立寒熱皮膚痛
目瞑齒痛頰腫惡寒發熱如瘧少腹中痛腹大法宜治
以鹹寒佐以甘苦以酸收之以苦發之歲運之化土不
及紀曰卑監是謂減化化氣不令生政獨彰長氣整雨
廼愆收氣平風寒並興草木榮美秀而不實成而秕也
其氣散其用靜定其動瘍涌分潰癰腫其發濡滯其化
兼所不勝四維有埃雲潤澤之化則春有鳴條鼓拆之
政若四維發振拉飄騰之變則秋有肅殺霖霽之復其

皆四維其藏脾其病內舍心腹外在肌肉四肢復則收
政嚴峻名木蒼凋胸脇暴痛下引少腹善太息氣客於
脾食少失味治宜以甘和調中初之氣自戊寅年大寒
日亥初至是歲春分日酉初六十日八十七刻半主位
少角木客氣太陰土中見土運氣與運同風不勝濕地
氣遷陰始凝氣始肅水迺冰寒雨化其病中熱脹面目
浮腫善眠鼾衄嚏欠嘔小便黃赤甚則淋宜治太陰之
客以甘補之以苦寫之以甘緩之歲穀宜白間穀宜麻
雖有濕邪不能爲害是氣也司氣以涼用涼無犯二之
氣自春分日酉正至小滿日未正凡六十日有奇主位

太徵火客氣少陽火中見土運二火同治陽迺布民迺
舒物迺生榮厲大至民善暴死宜治少陽之客以鹹補
之以甘寫之以鹹奠之歲穀宜白間穀宜豆雖有火邪
不能爲害三之氣自小滿日申初至大暑日午初凡六
十日有奇主位太徵火客氣陽明金中見土運火生土
土生金下生上天政布涼迺行燥熱交合燥極而澤民
病寒熱宜治陽明之客以酸補之以辛寫之以苦泄之
歲穀宜白間穀宜黍雖有燥邪不能爲害四之氣自大
暑日午正至秋分日辰正凡六十日有奇主位少宮土
客氣太陽水中見土運運土得位太陽居之寒雨降病

暴仆振慄譫妄少氣啞乾引飲及爲心痛癱腫瘡瘍瘧寒之疾骨疼血便宜治太陽之客以苦補之以鹹寫之以苦堅之以辛潤之歲穀宜丹間穀宜稷雖有寒邪不能爲害五之氣自秋分日巳初至小雪日卯初凡六十日有奇主位太商金客氣厥陰木中見土運客氣勝運春令反行草廼生榮民氣和宜調厥陰之客以辛補之以酸寫之以甘緩之歲穀宜丹間穀宜稻雖有風化不能爲邪終之氣自小雪日卯正至大寒日丑正凡六十日有奇主位少羽水客氣少陰火中見土運氣能生運陽氣布候反溫蟄蟲來見流水不冰民廼康平其病溫宜治少陰之客以鹹補之以甘寫之以酸收之歲穀宜丹間穀宜豆雖有熱邪不能爲害此六氣之常也歲氣之交天氣勝則有少陽之復地氣勝則有太陽之復其治各以其勝復法



總錄一之中

太陽寒水司天太陰濕土在泉中見太商金運歲金太
 過氣化運行先天天地之氣上見太陽左間厥陰右間
 陽明故天政所布其氣肅下見太陰左間少陽右間少
 陰故地氣靜而其令徐寒臨太虛陽氣不令寒政大舉
 澤無陽燄則火發待時少陽中治時雨迺止極雨散
 還於太陰雲朝北極濕化迺布澤流萬物寒敷于上雷
 動于下水土合德上應辰星鎮星其穀玄齡歲氣之化
 寒化一清化九雨化五正化度也倮蟲育歲物所宜也
 鱗蟲不成燥毒不生地氣制之也寒濕之氣持於氣交
 民病寒濕發肌肉萎足痿不收濡寫血溢是歲水爲天

續錄一之十
氣土爲地氣中見金運土能勝水天化爲虛金運統之
土生金金生水以下生上天化雖虛氣運相生其邪廼
微宜先資化源以助天氣之虛抑其運金扶其木氣無
使暴過而生其疾食玄蘄之穀以全其真避虛邪之氣
以安其正歲宜以苦熱調上以甘熱調下以辛溫調中
運同寒濕以燥熱化治之常也淫勝之氣歲半之前天
氣太陽主之若寒淫所勝則寒氣反至水且冰血變于
中發爲癰瘍民病厥心痛嘔血血泄飀飀善悲時眩仆
運火炎烈雨暴廼雹胸腹滿手熱肘擊腋腫心澹澹大
動胸脇胃脘不安面赤目黃善噫嗝乾甚則色焔渴而

欲飲病本于心診在手神門脉法宜平以辛熱佐以甘
苦以鹹寫之歲半之後地氣太陰主之若濕淫于內則
埃昏巖谷黃反見黑至陰之交民病飲積心痛頭痛喉
痹陰病血見少腹痛腫不得小便病衝頭痛目似脫頭
似拔腰似折髀不可以回膈如結膈如別法宜治以苦
熱佐以酸淡以苦燥之以淡泄之歲運之化金太過者
紀曰堅成是謂收引天氣潔地氣明陽氣隨陰治化燥
行其政物以司成收氣繁布化治不終其化成其氣削
其政肅其令銳切其德霧露蕭颺其動暴折瘍疰其變
肅殺凋零其病喘噎胸憑仰息其化兼其所勝故曰歲

金太過燥氣流行肝木受邪民病兩脇下少腹痛目赤
痛背瘍耳無所聞肅殺而甚則體重煩冤胸痛引背兩
脇滿且痛引少腹甚則喘欬逆氣肩背痛下連股膝髀
膈脘足皆病收氣峻則病暴痛肢脇不可反側欬逆甚
而血溢診在足太衝之脉其治悉以辛溫調中初之氣
自己卯年大寒日寅初至是歲春分日子初凡六十日
八十七刻半主位少角木客氣少陽火中見金運客氣
勝運地氣遷氣迺大溫草迺早榮民迺厲溫病迺作身
熱頭痛嘔吐肌腠瘡瘍宜治少陽之客以鹹補之以甘
寫之以鹹奠之歲穀宜玄間穀宜豆雖有火邪不能爲

害二之氣自春分日子正至小滿日戌正凡六十日有
奇主位太徵火客氣陽明金中見金運氣與運同大涼
至民迺慘草迺遇寒火氣遂抑民病氣鬱中滿寒迺始
宜治陽明之客以酸補之以辛寫之以苦泄之歲穀宜
玄間穀宜黍雖有燥邪不能爲害是氣也無犯司氣之
涼三之氣自小滿日亥初至大暑日酉初凡六十日有
奇主位太徵火客氣太陽水中見金運水勝火天政布
寒氣行雨迺降民病寒反熱中癰疽注下心熱脅悶不
治者死宜治太陽之客以苦補之以鹹寫之以苦堅之
以辛潤之歲穀宜玄間穀宜稷雖有寒邪不能爲害四

之氣自大暑日酉正至秋分日未正凡六十日有奇主位少宮土客氣厥陰木中見金運木勝土金反制之又遇太陰交司風濕交爭風化爲雨迺長迺化迺成民病大熱少氣肌肉萎足痿注下赤白宜治厥陰之客以辛補之以酸寫之以甘緩之歲穀宜齡間穀宜稻雖有風邪不能爲害五之氣自秋分日申初至小雪日午初凡六十日有奇主位太商金客氣少陰火中見金運歲運得位客火勝之陽復化草迺長迺化迺成民迺舒宜調少陰之客以鹹補之以甘寫之以酸收之歲穀宜齡間穀宜豆雖有熱化不能爲邪終之氣自小雪日午正至

大寒日辰正凡六十日有奇主住少羽水客氣太陰土中見金運土生金金生水其化順地氣正濕令行陰凝太虛埃昏郊野民迺慘悽寒風以至反者孕迺死宜治太陰之客以甘補之以苦寫之以甘緩之歲穀宜齡間穀宜麻雖有濕邪不能爲害此六氣之化也是歲天氣勝者太陰復之地氣勝者厥陰復之其治皆如治復之法



總錄一之中

厥陰風木司天少陽相火在泉中見少羽水運歲水不
 及氣化運行後天天地之氣上見厥陰左間少陰右間
 太陽故天氣擾而其政撓下見少陽左間陽明右間太
 陰故地氣正而其令速風生高遠炎熱從之雲趨雨府
 濕化廼行風火同德上應歲星熒惑其穀蒼丹間穀言
 太商者其耗文角品羽風燥火熱勝復更作蟄蟲來見
 流水不冰熱病行於下風病行於上風燥勝復形於中
 雨化風化勝復同邪氣化度也風化三寒化一火化七
 正化度也風化爲司天苦化爲在泉玄化爲司運柔化
 清化爲間氣灼化爲居氣其在物也毛蟲靜羽蟲育是

爲歲物所宜介蟲耗寒毒不生是爲地氣所制然歲氣
天化虛地化盈宜資化源以助天氣之木化源雖虛水
運在中水能生木邪廼微也必贊其運水無使邪勝以
辛涼調上以鹹寒調下畏火之氣無妄犯之歲半之前
厥陰主之若風淫所勝則太虛埃昏雲物以擾寒生春
氣流水不冰民病胃脘當心而痛上支兩脇鬲咽不通
飲食不下舌本強食則嘔冷泄腹脹澹泄痲水閉病本
于脾診在足衝陽之脉其法平以辛涼佐以苦甘以甘
緩之以酸寫之歲半之後少陽主之若火滯于內則焰
明郊野寒熱更至民病注泄赤白少腹痛瀉赤甚則血

便其法治以鹹冷佐以苦辛以酸收之以苦發之歲運
之化水不及紀曰涸流是謂反陽藏令不舉化氣廼昌
長氣宣布蟄蟲不藏土潤水泉減草木條茂榮秀滿盛
其氣滯其用滲泄其動堅止其發燥槁其主埃鬱昏翳
其病痿厥堅下其化兼所不勝四維有濇潤埃雲之化
則不時有和風生發之應四維發埃昏驟注之變則不
時有飄蕩振拉之復其眚北其藏腎其病內舍腰脊骨
髓外在谿谷踰膝皆以苦和調中初之氣自庚辰年大
寒日巳初至是歲春分日卯初凡六十日八十七刻半
主位少角木客氣陽明金中見水運金勝木水運間之

寒始肅殺氣方至民病寒於右之下宜治陽明之客以酸補之以辛寫之以苦泄之歲穀宜蒼間穀宜黍二之氣自春分日卯正至小滿日丑正凡六十日有奇主位太徵火客氣太陽水中見水運氣與運同寒不去華雪水冰殺氣施化霜迺降名草上焦寒雨數至陽復化民病熱於中宜治太陽之客以苦補之以鹹寫之以苦堅之以辛潤之歲穀宜蒼間穀宜稷是氣也無犯司氣之寒三之氣自小滿日寅初至大暑日子初凡六十日有奇主位太徵火客氣厥陰木中見水運歲運之水制火而生木故天政布風迺時舉民病泣出耳鳴掉眩宜治

厥陰之客以辛補之以酸寫之以甘緩之歲穀宜蒼間穀宜稻四之氣自大暑日子正至秋分日戌正凡六十日有奇主位少宮土客氣少陰火中見水運溽暑濕熱相薄爭於左之上民病黃痺而爲胕腫宜治少陰之客以鹹補之以甘寫之以酸收之歲穀宜丹間穀宜豆五之氣自秋分日亥初至小雪日酉初凡六十日有奇主位太商金客氣太陰土中見水運客土刑運燥濕更勝沉陰迺布寒氣及體風雨迺行宜治太陰之客以甘補之以苦寫之以甘緩之歲穀宜丹間穀宜麻終之氣自小雪日酉正至大寒日未正凡六十日有奇主位少羽

水客氣少陽火中見水運歲運得位而畏火司令陽迺
 大化蟄蟲出見流水不冰地氣大發草廼生人迺舒其
 病溫厲宜治少陽之客以鹹補之以甘寫之以鹹奠之
 歲穀宜丹間穀宜豆此六氣之化也歲氣之交天氣勝
 者則有陽明之復地氣勝者則有太陽之復觀其勝復
 者各以其法治之

壬午歲





總錄一之中

小陰君火司天陽明燥金在泉中見太角木運歲木太過氣化運行先天熟化爲天氣柔化爲左間蒼化爲司氣故天政所布其氣明辛化爲地氣藏化爲左間明化爲右間故地氣肅而其令切寒交暑熱加燥雲馳雨府濕化廼行時雨廼降金火合德上應熒惑太白其穀丹白水火寒熱持於氣交而爲病始熱病生於上清病生於下寒熱相犯而爭於中民病欬喘血溢血泄鼽嚏目赤皆瘍寒厥入胃心痛腰痛腹大噎乾腫上其爲化也熱化二風化八清化四是爲正化度也其爲物也羽蟲靜介蟲育是廼歲物所宜毛蟲耗濕毒不生是廼地氣

所制歲氣之交火在天金在地火勝金天氣盈地氣虛木運助火天氣大盈其邪爲甚宜於年前先取化源以平火氣必抑其運木資其歲勝無使暴過而生其病食丹白之穀以全眞氣食間氣之穀以辟虛邪歲宜鹹以稟之而調其上甚則以苦發之以酸收之而安其下甚則以苦泄之運同天氣以寒清化故曰其化上鹹寒中酸涼下酸溫藥食宜也歲半之前少陰主之熱溼所勝則怫熱至火行其政民病胸中煩熱嗌乾右胠滿皮膚痛寒熱欬喘大雨且至唾血血泄黧衄嘔溺色變甚則瘡瘍疔腫肩背臂膈及缺盆中痛心痛肺臏腹大滿

膨膨而喘欬病本于肺診在手尺澤脉法宜平以鹹寒佐以苦甘以酸收之歲半之後陽明主之燥淫于內則霧霧清暝民病喜嘔嘔有苦善太息心脇痛不能反側甚則噎乾面塵身無膏澤足外反熱法宜治以苦溫佐以甘辛以苦下之歲運之化木太過紀曰發生是謂啟敷土疎泄蒼氣達陽和布化陰氣迺隨生氣淳化萬物以榮其化生其氣美其政散其令條舒其動掉眩巔疾其德鳴靡啓拆其變振拉摧拔其病怒其化兼其所勝故曰歲木太過風氣流行脾土受邪民病殄泄食減體重煩寃腸鳴腹支滿甚則忽忽善怒眩冒巔疾化氣不

政生氣獨治雲物飛動草木不寧甚而摧落反脇痛而吐甚診在足衝陽之脉其治宜以酸涼初之氣自辛巳年大寒日申初至是歲春分日午初凡六十日八十七刻半主位太角木客氣太陽水中見木運歲運當位寒水居之地氣遷燥將去寒廼始蟄復藏水廼水霜復降風廼至陽氣鬱民反周密關節禁固腰膝痛炎暑將起中外瘡瘍宜治太陽之客以苦補之以鹹寫之以苦堅之以辛潤之歲穀宜丹間穀宜稷雖有寒邪不能爲害二之氣自春分日午正至小滿日辰正凡六十日有奇主位少徵火客氣厥陰木中見木運氣與運同陽氣布

風廼行春氣以下萬物應榮寒氣時至民廼和其病淋日瞋目赤氣鬱於上而熱宜治厥陰之客以辛補之以酸寫之以甘緩之歲穀宜丹間穀宜稻雖有風化不能爲邪三之氣自小滿日巳初至大暑日卯初凡六十日有奇主位少徵火客氣少陰火中見木運火居火位木化資之天政布大火行庶類蕃鮮寒氣時至民病氣厥心痛寒熱更作欬喘目赤宜治少陰之客以鹹補之以甘寫之以酸收之歲穀宜丹間穀宜豆雖有熱邪不能爲害四之氣自大暑日卯正至秋分日丑正凡六十日有奇主位太宮土客氣太陰土中見木運土居其位溽

暑至大雨時行寒熱互至民病寒熱嗌乾黃痺鮑蚬飲
發宜治太陰之客以甘補之以苦寫之以甘緩之歲穀
宜曰閒穀宜麻雖有濕化不能爲邪五之氣自秋分日
寅初至小雪日子初凡六十日有奇主位少商金客氣
少陽火中見木運木生火畏火臨暑反至陽迺化萬物
迺生迺長榮民迺康其病溫宜治少陽之客以鹹補之
以甘寫之以鹹奠之歲穀宜白閒穀宜豆雖有火邪不
能爲害終之氣自小雪日子正至大寒日戌正凡六十
日有奇主位太羽水客氣陽明金中見木運金勝木燥
令行餘火內格腫於上欬喘甚則血溢寒氣數舉則霧
霧翳病生皮膚內舍於脇下連少腹而作寒中地將易
也宜治陽明之客以酸補之以辛寫之以苦泄之歲穀
宜白閒穀宜黍雖有燥邪不能爲害此六氣之化也歲
氣之交熱氣勝者必有太陽之復燥氣勝者必有少陽
之復治之各以其勝復爲法

餘宜高不及宜下有餘宜晚不及宜早土之利氣之化也民氣亦從之其病寒濕腹滿身臏憤附腫痞逆寒厥拘急是歲濕土在上寒水在下土能制水天氣盈地氣虛宜取化源以平土氣益其歲氣無使邪勝食黔玄之穀以全其真食間氣之穀以保其精歲宜以苦燥之溫之甚者發之泄之不發不泄則濕氣外溢肉潰皮拆而水血交流必贊其陽火令禦甚寒運異寒濕其化宜少用燥熱故曰其化上苦溫中鹹溫下甘熱藥食宜也歲牛之前太陰主之濕淫所勝則沉陰且布雨變枯槁民病附腫骨痛陰痹陰痺者按之不得腰脊頭項痛時眩

大便難陰氣不用飢不欲食欬唾則有血心如懸病本于腎診在足太谿之脉法當平以苦熱其濕上甚而熱治以苦溫佐以甘辛以汗爲故而止歲半之後太陽主之寒淫于內則凝肅慘慄民病少腹控羸引腰脊上衝心痛血見噎痛頰腫法宜治以甘熱佐以苦辛以鹹寫之以辛潤之以苦堅之歲運之化火不及紀曰伏明是謂勝長長氣不宜藏氣反布收氣自政化令迺衡寒清數舉暑令迺薄承化物生而不長成實而稚遇化已老陽氣屈伏蟄蟲早藏其氣鬱其用暴其動彰伏變易其發痛其病昏惑悲忘其化兼所不勝夏有炳明光顯

之化則冬有嚴肅霜寒之政若夏有慘悽凝冽之勝則不時有埃昏大雨之復其胥南其藏心其病內舍膈脇外在經絡故曰歲火不及寒迺盛行長政不用物榮而下疑慘而甚則陽氣不化迺折榮美民病胸中痛脇支滿兩脇痛膈背肩胛間及兩臂內痛甚則屈不能伸體憊如別復則大雨且至民病鶩溇腹滿食飲不下寒中腸鳴泄注腹痛暴攣痿痺足不任身其法悉以鹹溫調中初之氣自壬午年大寒日亥初至是歲春分日酉初凡六十日八十七刻半主位太角木客氣厥陰木中見火運風木得位地氣遷寒迺去春氣正風迺來生布萬

物以榮民氣條舒風濕相薄雨迺後民病血溢筋絡拘強關節不利身重筋痿宜調厥陰之客以辛補之以酸寫之以甘緩之歲穀宜齡間穀宜稍雖有風化不能爲邪二之氣自春分日酉正至小滿日未正凡六十日有奇主位少徵火客氣少陰火中見火運君火自居其位不司氣化是謂灼化大火正物承化民迺和其病溫厲盛行遠近咸若濕蒸相薄雨迺時降宜調少陰之客以鹹補之以甘寫之以酸收之歲穀宜齡間穀宜豆雖有熱化不能爲邪三之氣自小滿日申初至大暑日午初凡六十日有奇主位少徵火客氣太陰土中見火運歲

火當位濕化鬱之天政布濕氣降地氣騰雨迺時降寒
迺隨之感於寒濕則民病身重肘腫胸腹滿宜治太陰
之客以甘補之以苦寫之以甘緩之歲穀宜黔間穀宜
麻雖有濕邪不能爲害四之氣自大暑日午正至秋分
日辰正凡六十日有奇主位太宮土客氣少陽火中見
火運氣與運同畏火臨溽蒸化地氣騰天氣否隔寒風
曉暮蒸熱相薄草木凝煙濕化不流則白露陰布以成
秋令民病滕理熱血暴溢瘡心腹滿熱臚脹甚則肘腫
宜治少陽之客以鹹補之以甘寫之以鹹奠之歲穀宜
玄間穀宜豆雖有火邪不能爲害是氣也無犯司氣之

熱五之氣自秋分日已初至小雪日卯初凡六十日有
奇主位少商金客氣陽明金中見火運氣與位同慄令
已行寒露下霜迺早降草木黃落寒氣及體君子周密
民病皮媵宜調陽明之客以酸補之以辛寫之以苦泄
之歲穀宜玄間穀宜黍雖有火化不能爲邪終之氣自
小雪日卯正至大寒日丑正凡六十日有奇主位太羽
水客氣太陽水中見火運水當其位而能勝火寒大舉
濕大化霜迺積陰迺凝水堅氷陽光不治感於寒則病
人關節禁固腰膝痛寒濕持於氣交而爲疾也宜調太
陽之客以苦補之以鹹寫之以苦堅之以辛潤之歲穀

宜玄間穀宜稷雖有寒化不能爲邪此六節之氣也氣
交之化天氣勝者則有厥陰之復地氣勝者則有太陰
之復各以其復法治之

大德重校聖濟總錄卷第一之中